



John Stocker čestitao direktoru Fen-BH

Foto: A. KAJMOVIĆ

# Muhamed Murselović, najuspješnija poslovna ličnost u BiH

Nagrada za najuspješniju poslovnu ličnost u BiH u okviru 15. svjetskog poslovnog kongresa Međunarodnog udruženja za razvoj biznisa (IMDA), u utorak je u Sarajevu dodijeljena Muhamedu Murseloviću, direktoru Fen-BH iz Lukavca, firma koja se bavi proizvodnjom latoflex-ležajeva.

Kako saznajemo od Johna Stockera, direktora Sarajevo Graduate School of Business (SGSB) koja je 15. svjetski poslovni kongres ove godine uspješno organizovala u Sarajevu, firma Fen-BH je pobijedila na osnovu matematičkih pokazatelja koji su utvrdili njen uspjeh u poslovanju 2005. godine.

“Cilj je bio izabrati najuspješnijeg bosanskohercegovačkog izvoznika, a u uži izbor je ušlo 32 firme. Firma Fen-BH je izabrana na osnovu sedam varijabli, koji su ukazivali na njen uspjeh u poslovanju od 21,5 miliona KM u prošloj godini”, kazao je Stocker.

Osnovana 1997. godine, Fen-BH je krenula je sa radom sa tri radnika, saznajemo od njeonog

direktora Murselovića. Od 1999. godine, kao stopostotni izvoznik počela je sa proizvodnjom latoflex-ležajeva.

Od tada je ova firma doživjela kontinuiran rast prometa, proizvodnje i broja zaposlenih. Danas ova firma broji 220 uposlenih i vodi se po broju proizvedenih ležajeva među pet prvih u Evropi.

“Ovo je čast za moju firmu, te i priznanje da za naš rad i trud. Ujedno je ovo i dokaz da se u BiH može stvoriti firma koja rame uz rame ide sa zapadnim kompanijama. Istovremeno nam ovo priznanje znači i podstrek da napravimo još veće korake”, kazao je Murselović.

Kako nam je rekao William Pendergast, jedan od organizatora Svjetskog poslovnog kongresa, u BiH najveći problem leži u institucijskom potencijalu, koji koči kvalitetni ljudski potencijal. Studenti u BiH, ističe Pendergast, su izvanredni, međutim njihove mogućnosti ostaju nerijetko neiskorištene.

A. DUČIĆ